

GrønlandsBANKEN-ip kukkunersiuinermut ataatsimiititaliaq pillugu pisinnaatitsissutai

1. Aallarniut

- 1.1. Kukkunersiuinermut Ataatsimiititaliaq siulersuisut ataatsimiititaliaraat taamaallaat aalajangiussassanik, siulersuisut tamarmiullutik aalajangiiffigisassaannik piareersaasartussaq.
- 1.2. Kukkunersiuinermut ataatsimiititaliamik pilersitsinerup paasissutissat pingaarutillit, siulersuisunut ilaasortanut tamanut ingerlasussat, taamaallaat kukkunersiuinermut ataatsimiititaliamut ingerlatinneqartarnissaat kingunerissangimmagu tamanna siulersuisut ilaatigut pisinnaatitsissut manna aqqtigalugu qularnaarpaat.
- 1.3. Pisinnaatitsissut una ukiut tamaasa siulersuisunit misissorneqartarpooq, naleqqussarneqartarpooq akuersissutigineqartarluni. Allannguutissatut siunnersuutinik siulersuisunut ilaasortat arlaannulluunniit, imaluunniit kukkunersiuinermut ataatsimiititaliami ilaasortanut tunniussisoqarsinnaavoq.
- 1.4. Kukkunersiuinermut ataatsimiititaliaq siulersuisutuulli oqaatigeqqunngisanut aalajangersakkat tunngavigivaat.

2. Pilersitsineq siunertarlu

- 2.1 Kukkunersiusut aamma kukkunersiuinermik suliffeqarfiiit akuerisaasut pillugit inatsimmi § 31 aamma siulersuisut suleriaasiat naapertorlugit siulersuisut aalajangerpaat, kukkunersiuinermut ataatsimiititaliap suliassai siulersuisut tamarmiullutik suliarisassagaat. Kukkunersiuinermut ataatsimiititaliaq pillugu pisinnaatitsissummi matumani aalajangersakkat taamaattumik ataatsimut atuupput.
- 2.2 Pisinnaatitsissummi matumani kukkunersiuinermut ataatsimiititaliap suliassai oqartussaaffiilu aalajangerneqarput.
- 2.3 Kukkunersiuinermut ataatsimiititaliap sulinerata siunertaraa, GrønlandsBANKEN-ip naatsorsuinerneq, illup iluani nakkutiginninnerneq systemit aamma kukkunersiuinerit inatsisit naapertorlugit aaqqissuunneqarsimanserut ingerlaavartumik nakkutigalugillu nalilersornissai. Ilanngullugu ataatsimiititaliap misissorlugulu nakkutigissavaa kukkunersiusup attuumassuteqannginnera kiisalu taasinissamut kukkunersiusumik toqqaaneq inassuteqarnerlu pillugit suliamut akisussaasuussalluni.
- 2.4 Kukkunersiuinermut Ataatsimiititaliap akuerisarpai akiliutit kukkunersiuinermut tunnganngitsut ilanngussaq 1 naapertorlugu akuerisaariinngitsut tamaasa, kiisalu nakkutigalugu taakku kukkunersiuinermi akissarsiarititat ataatsimut 70 %-ii sinninngikkai. Tassani kukkunersiuinermut ataatsimiititaliap nakkutigisarpaa, ileqqusumik ataatsimeersuarnermi kukkunersiusup toqcarneqartup ataatsimut akissarsiaasa 15 %-ii sinnerlugit aningaaserivimmuit sullissinerminit akissarsiarinngikkai.

3. Kukkunersiuinermut ataatsimiititaliami ilaasortat

- 3.1 Ataatsimiititaliami ilaasortat, ilaatigut ataatsimiititaliap siulittaasua, GrønlandsBANKEN-ip siulersuisuinit taakkulu akornanni toqcarneqassaaq.
- 3.2 Ikinnerpaamik ilaasortaq ataaseq GrønlandsBANKEN-imut attuumassuteqartussanngilaq aammalu naatsorsuuserinerneq, kukkunersiuinermut aarlerinartunillu aqutsinerneq tunngasunik piginnaasaqartuussalluni, ilaatigut IFRS malillugu naatsorsuutinik suliaqarnerneq misilittagaqartuulluni imaluunniit allamik naleqquatumik misilittagaqarluni ilinnigaqarsimallunilu.
- 3.3 Ataatsimiititaliaq aalajangiisinhaassuseqassaaq, ilaasortat tamarmik affai, kisiannili ikinnerpaamik ilaasortat ataatsimeersuarnermi toqcarneqartut affai aalajangiinerneq peqataappata.

4. Kukkunersiuinermut ataatsimiititaliap ataatsimiittarneri

- 4.1 Ataatsimiinnerit ingerlanneqartarpooq ima akuliksitsigisumik siulittaasup pisariaqartutut isigippagu, minnerpaamillu ukiumut sisamararluni. Siulersuisoq ataatsimiigiaqquisarpoq, tassungalu ilanngullugu oqaluuserisassat allattorsimaffiat

nassiunneqartarpoq. Ullormut oqaluuserisassat ilisimatitsissutitut siulersuisunut tamanut nassiunneqassapput.

- 4.2 Suliffeqarfiup iluani kukkunersiuinermut pisortaq aamma suliffeqarfiup avataani kukkunersiusoq kiisalu kukkunersiuinermut ataatsimiititaliamut ilaasortat tamarmik aamma kukkunersiuinermut ataatsimiititaliamik ataatsimiigiaqqusisinnaapput.
- 4.3 Ataatsimiinnerit sapinngisamik siulersuisut ataatsimiinnissaat sioqquullugit ingerlanneqartarpot, taamaalillutillu siulersuisut GrønlandsBANKEN-ip ukiumoortumik nalunaarusiaa, ukiup affaanut nalunaarusiaa, kvartalikkaartumik nalunaarusiai imaluunniit aningaasarsiorneq pillugu nalunaarusiat allat, kukkunersiusup kukkunersiusut nalunaarusiaannik tunniussinissa sioqquullugu oqaluuserereerlugillu akuersissutigereersinnaavaat.
5. *Ataatsimiinnerup aaqqissugaanera aamma ataatsimiigiaqqusineq*
 - 5.1. Kukkunersiuinermut ataatsimiititaliami ataatsimiinnerni ataatsimiititaliamti ilaasortat peqataasarpot, ataatsimiigiaqqusinikkut pisortaq, naatsorsuinermi pisortaq, illup iluani kukkunersiuinermi pisortaq, avataani kukkunersiusoq kiisalu allatsi peqataasarpot.
 - 5.2. Minnerpaamik ukiumut ataasiarluni kukkunersiuinermi ataatsimiititaliap avataanit kukkunersiusoq aamma illup iluani kukkunersiusoq, GrønlandsBANKEN-imi aqutsisut sinnisaannik peqataasoqarani ataatsimeeqatigisarpari.
 - 5.3. Siulittaasup aalajangiineratigut ataatsimiititaliap ataatsimiinnerani allat, matuma ataani siulersuisunut ilaasortat, aqutsisutut sulisut aamma GrønlandsBANKEN-imi immikkut ilisimasallit kiisalu avataanit siunnersortit peqataasinnaapput.
 - 5.4. Kukkunersiuinermut ataatsimiititaliamti ataatsimiinnerit siulittaasumit aqunneqartarpot.
 - 5.5. Siulersuisunut ilaasortat allat, pisortaq, naatsorsuinermi pisortaq, illup iluani kukkunersiuinermi pisortaq, avataani kukkunersiusoq kiisalu sulisut attuumassuteqartut ataatsimiinnernut ilaanissamut pisussaaffeqarput, ataatsimiititaliamti ataatsimiigiaqquneqarunik.
 - 5.6. Kukkunersiuinermut ataatsimiititaliamti ataatsimiinnerit ataasiakkaat imaqarniliorni allatsimut suliarineqarlutillu toqqorneqartarpot. Imaqarniliaq ilaasortanit peqataasunit tamanit atsiorneqassaaq. Imaqarniliami allassimassapput, suliad suut oqallisigineqarnersut aamma ataatsimiititaliap taakku pillugit siulersuisunut inassuteqaatai. Ataatsimiititaliamti ilaasortaq, siulersuisunut inassuteqaammut isumaqataanngikkuni, imaqarniliamut isummani ilanngunneqarnissaa pisinnaatitaaffigaa.
 - 5.7. Ataatsimiititaliap ataatsimiinnerisa kingorna tamatigut ataatsimiititaliamti ilaasortanit imaqarniliamut missingiut nassiunneqartarpoq. Ataatsimiititaliamti ilaasortat imaqarniliamut tassunga oqaassisaaqarunik, taakku sapinngisamik piaarnerpaamik allatsimut nalunaarutigissavaat, tamatumani siunertaralugu imaqarniliap inaarutaasup siulersuisuni ataatsimiinnissamut tulliuttumut imaluunniit taassuma tullianut nassiunneqarnissaa.
 - 5.8. Kukkunersiuinermi ataatsimiititaliaq siulersuisut assigalugit nipangersimasussaatitaavoq.
6. *Aalajangiisonnaaneq aamma pisinnaatitaaffit il.il.*
 - 6.1. Kukkunersiuinermut ataatsimiititaliaq aalajangiisonnaavoq, minnerpaamik ilaasortat affai peqataappata.
 - 6.2. Siulersuisut ataatsimiititaliap qullersarai kiisalu aalajangiinissamut siunnersuutinik akuersissutigisassatut inassuteqarsinnaavoq. Kukkunersiuinermut ataatsimiititaliaq namminersorluni aalajangiisonnaanngilaq taamaattumillu taamaallaat aalajangiinerit, siulersuisunut inassuteqarnernut tunngasut aalajangiiffigisinnaallugit. Aalajangiinerit taamaattut nalinginnaasumik amerlanerussuteqarnikkut aalajangerneqartarpot. Taasinerit naliippata ataatsimiititaliamti siulittaasup taasinera aalajangiisuussaaq.
 - 6.3. Ataatsimiititaliaq pissuttsinik sunilluunniit, ataatsimiititaliamut pisinnaatitsissutip sinaakkutaasa iluiniittunik misissuinissaminut pisinnaatitaaffeqarpoq, paasissutissanillu pisariaqartitanik pissarsiorsinnaatitaalluni aammalu GrønlandsBANKEN-imi sulisunik ikiortissarsiorsinnaalluni.
 - 6.4. Kukkunersiuinermut ataatsimiititaliaq aningaasanik aamma atortussanik atukkerneqassaaq, kukkunersiuinermi ataatsimiititaliap suliassaminik naammassinninnissamut pisariaqartutut naammaginartumik missingissaanik.

7. Kukkunersiuinermut ataatsimiititaliap suliassai

Kukkunersiuinermut ataatsimiititaliap suliassai tassaapput:

- 7.1. *naatsorsuutinik saqqummiussinerup ingerlanerata nakkutiginissaa aamma nalilfersornissaa, kiisalu makku tatiginassusai qulakkeerniarlugit piumasaqaatinik imaluunniit siunnersuutinik saqqummiussineq:*
- Ukiumoortumik nalunaarusiaq, naatsorsuinermi tunngaviiit aamma naatsorsueriaaseq pillugit pissutsinik pingaarutilinnik misissuineq – matuma ataani ingerlatseqatigiiffiup taasinerini aamma naatsorsuinermi tunngavinnik atuinermi allannguutinik annertuunik
 - Ukiup affaanut nalunaarusiaq, ukiumoortumik nalunaarusiaq ataaniittoq takuuq
 - Kvartalimut nalunaarusiaq, ukiumoortumik nalunaarusiaq ataaniittoq takuuq
 - GrønlandsBANKEN-ip naatsorsuutinik saqqummiussisarnermut tunngatillugu malittarisassaasa suleriaasatalu nalilfersornissaat,
 - Missingersuutit, missiliutit il.il. taakkununngalu tunngaviusut nalilfersornissaat,
 - Naatsorsuutinik saqqummiussinermut tunngatillugu aqutsisut nalunaarusiaata tassungalu tunngaviusut nalilfersornissaat.
- 7.2. *GrønlandsBANKEN-ip suliffeqarfiup iluani nakkutilleeriaasia, suliffeqarfiup iluani kukkunersiuinerup aamma aarlerinaateqarsinnaasunik aqutseriaatsit sunniuteqarluartumik ingerlanerinik nakkutiginninneq, aningaaserivimm naatsorsueriaaseq eqqarsaatigalugu, namminersorsinnaassuseq unioqqutinnagu:*

Suliffeqarfiup iluani nakkutilleeriaatsimik nakkutiginninneq

- Allaffisornermik naatsorsuuserinermillu ingerlatsinermik nalifersuineq,
- Controllingimut atuuffik pilersinnissaanut atorfissaqartitsineq nalifersuineq
- Suliffeqarfiup iluani ingerlatseriaatsimik misissuineq nalifersuinerlu,
- Suliffeqarfiup iluani avataanilu kukkunersiusut nalunaarusiaannik misissuineq, kiisalu suliffeqarfiup iluani nakkutilliilluni nalunaarusianik sanngiiffiusinnaasunillu nalifersuineq,
- Qullersaqarfiup nakkutilliissutinik sanioqqutsisinnaanera tassungalu atatillugu naatsorsuutinik saqqummiussinermut (naleqqutinngitsumik) sunniuteqarsinnaaneranik nalifersuineq,
- GrønlandsBANKEN-ip suleriaasianik aqutsisullu peqquserluutinik pinaveersaartitsillutik qulaajaaniarluttu suleriaasiannik nalifersuineq,
- Aqutsisut nalunaarusiaanni GrønlandsBANKEN-ip suliffeqarfiup iluani nakkutilleeriaasianut aarlerinarsinnaasunillu aqutsineranut tunngasuni immikkoortunik pingarnernik nalifersuineq,
- Suliffeqarfiup iluani nakkutilliinerup nukitorsarneqarsinnaanera pillugu siulersuisunut inassuteqaataasinnaasut.

Suliffeqarfiup iluani kukkunersiuinermik nakkutiginninneq

- Suliffeqarfiup iluani kukkunersiukkanik avammut suialiakkissutigineqartunik nalifersuineq,
- Kukkunersiuinermut pisortaq ukiumoortumik nalunaarusiaq uppermarsarlugu atsiussanersoq nalifersorlugu,
- Suliffeqarfiup iluani kukkunersiusut pisortaata oqaaseqaataanik misissuineq, suliffeqarfiup iluani kukkunersiusut pisortaata oqaaseqaatigippagu, tak. qulaani taaneqartoq,
- Suliffeqarfiup iluani kukkunersiusup suliassaanik nassuaateqarneq kukkunersiuinerlu pillugu isumaqatigiissummik misissuineq,
- Suliffeqarfiup iluani kukkunersiusup pisinnaasaanik, attuumassuteqannginneranik aammalu suliap naammassinissaanut naammattumik tunuliaquteqarneranik misissuineq, taamak iliornerup ataani ilanngullugu illup iluani kukkunersiusup missingersuutaanik inuttalersugaaneranillu misissuineq,
- Suliffeqarfiup iluani kukkunersiusoq peqatigalugu naatsorsuuserinermi tunngavinnik pingarnernik periarfissaasinaasunillu allanik oqaloqatigiissutiginninneq,
- Suliffeqarfiup iluani kukkunersiusoq peqatigalugu kukkunersiuinikkut naatsorsuuserinikkullu missingiutinik pingarnernik oqaluuserinninneq,

- Kukkunersiuinermi protokollatinik misissuineq, suliffeqarfiup iluani kukkunersiusup eqikkaanera oqaaseqaataalu aammalu ukiumi pineqartumi naatsorsuutinut oqaaseqaatit, kukkunersiuinermut protokollatimut ilanggullugit tunniunneqarsimasut ilaatigut kukkunersiuinermut protokollatissamut missiliummik tunngavillit ilanggullugit.

Aarlerinaateqarsinnaasunik aqutsinermut nakkutilleeriaatsinik nakkutiginninneq

- Aarlerinaateqarsinnaasunik aqutsineq pillugu aqutsisyt maleruagassatut suleriaasissatullu pilersissimasaannik taakkunanngalu aqutsisut nakkutiginninnerinik nalilersuineq

7.3. *Inatsisit malillugit ukiumoortumik naatsorsuutinik misissuinermit il.il. nakkutilliineq, tamatumani kukkunersiuinermi suliffeqarfiup pitsaassutsimik nakkutilliinerata kingulliup inernerri eqqarsaatigineqarmata:*

- Suliffeqarfiup avataani kukkunersiusup piginnaasaanik nalilersuineq,
- Kukkunersiuinermi isumaqtigiisummik aamma kukkunersiuinermi akissarsiamik misissuineq,
- Suliffeqarfiup avataani kukkunersiusup qinigaaqqinneranik/qinigaaneranik nalilersuineq,
- Suliffeqarfiup avataani kukkunersiusup kukkunersiuinissaq pillugu periusissiaanik aamma pilersaarutaanik kiisalu ilimanassutsip annertussusissaa eqqarsaatigineqartoq pillugit misissuineq,
- Suliffeqarfiup avataani kukkunersiuisoq peqatigalugu naatsorsuusiornermik tunngavinnik pingaarnernik naatsorsuuserinikkullu perarfissaasinjaasunik allanik oqaluuserinninneq,
- Kukkunersiuinermut atatillugu aarlerinaatit annertuut paasineqartut pillugit kukkunersiuisumik oqalliseqateqarneq
- Suliffeqarfiup avataani kukkunersiuisoq peqatigalugu kukkunersiusarnermi naatsorsuusiornermilu missingiisarnernik pingaarnernik oqaluuserinninneq,
- Kukkunersiuinermi protokolatinik, ilaatigut suliffeqarfiup avataani kukkunersiusup taakkuninnga eqikkaalluni naliliinerinik aammalu ukiumi pineqartumi naatsorsuutinik eqikkaaneq pillugu oqaaseqaatinik ukiunilu qaangiuttuni nalunaarusiaasimasut tungavigalugit protokolatiliarineqarsimasunik ilaatigut kukkunersiusup protokolatissaanut missiliutaanik tunngaveqartunik misissuineq.
- Suliffeqarfiup avataani kukkunersiusup allattugaanik misissuineq.

Kukkunersiusup suliaasa pitsaasusiinik nakkutilliinermi inerniliussaq nutaanerpaaq ataatsimiititaliap inatsisit naapertorlugit kukkunersiuinissap tamatumalu ingerlanneqarneranik naliliinera ilanngunneqassapput.

7.4 *kukkunersiusup arlaannut attuumassuteqannginneranik nakkutiginninneq nakkutilliinerlu, tak. kukkunersiusut pillugit inatsimmi §§ 24- 24c kiisalu EU-p kukkunersiusut pillugit peqqussutaani nr. 537/2014, 16. april 2014-imeersoq tamat soqutigisai pillugit suliffeqarfiit kukkunersiuinerinnut piumasaqaatit aalajangersimasut pillugit artikel 6, aamma kukkunersiuinerup saniatigut kukkunersiusup sullissinernik allanik tunniussineranik akuersineq, tak. artikel 5 EU-p kukkunersiusut pillugit peqqussutaa :*

- Kukkunersiuinikkut kukkunersiuinaniu sullissinernik, suliffeqarfiup avataani kukkunersiusup suliarisaanik misissuineq,
- Suliffeqarfiup avataani kukkunersiusup arlaannut attuumassuteqannginneranik nakkutiginnillunilu nakkutilliineq.

7.4. *Taasinissamut kukkunersiuisumik toqqaariaatsimut inassuteqarnermullu akisussaasuuneq una naapertorlugu artikel 16, EU-mi kukkunersiusut pillugit peqqussut nr. 537/2014, 16. april 2014-imeersoq tamat soqutigisai pillugit suliffeqarfiit kukkunersiuinerinnut piumasaqaatit aalajangersimasut pillugit:*

- Kukkunersiusup avataaneersup piginnaasaanik naliliineq,
- kukkunersiuisumik avataaneersumik toqqaqqinnissamut/nutaamik toqqaanissamut naliliineq
- kukkunersiuisumik toqqaanissamut inassuteqarneq,
- -Nutaamik toqqaanermi suliarinnittussarsiuussineq sioqqullugu suleriaaseq/ukiut 10 sinnerlugit kukkunersiusorisamik nutaamik taasineq

7.6. ESG-p aamma piujuartitsinerup iluani pissutsinik malinnaaneq, suliassaqarfiup iluani inatsisissat nutaat aamma nalunaarusiat nutaat aggersut malittariniarlugit.

8. Siulersuisunut nalunaarusiorneq

- 8.1 Kukkunersiuinermut ataatsimiititaliap ataatsimiinnerini imaqarniliortoqartassaaq, taakkulu siulersuisunut tamarmiusunut takuneqarsinnaalersinneqassapput.
- 8.2 Imaqarniliat siulersuisut ataatsimiinneranni tullermi oqaluuserineqartassapput.
- 8.3 Siulersuisut ataatsimiinnerat sioqqullugu kukkunersiuinermut ataatsimiititaliap ataatsimiinnerat naammassippat ataatsimiinnilersaarutaagallartoq oqaasiinnakkut siulersuisunut ingerlateqqinneqarallarsinnaavoq (siulersuisunut ilaasortat kukkunersiuinermut ataatsimiititaliap ataatsimiinneranut ilaasimanngippata).

9. Saqqummiussineq

- 9.1. Aningaaseriviup nittartagaani kukkunersiuinermut ataatsimiititaliaq pillugu pisinnaatisissut saqqummiunneqassaaq
- 9.2. Ukiemoortumik nalunaarummi aqutsisut nalunaarutaanni tulliuttut nalunaarutigineqartassapput
 - ataatsimiititaliap suliai pingarutillit aamma ukiup ingerlanerani ataatsimiinnerit amerlassusai,
 - ataatsimiititaliami ilaasortat aqqi, matuma ataani siulittaasup aamma ilaasortat attuumassuteqannginnerat
 - Siulersuisuni ilaasortat ataatsimiititaliami ataatsimiinnernut peqataaneri

10. Allannguutit

- 10.1. Pisinnaatisissummi matumani allannguutit qaqugukkulluunniit siulersuisuni amerlanerussuteqarnikkut allanngortinneqarsinnaapput

11. Imminut naliliiffigineq

- 11.1. Kukkunersiuinermut ataatsimiititaliap piffissami aggersumi sulinissap aaqqissuunnissaa siunertaralugu sulinermi sunniuteqassusaa ukiumoortumik nalilertarpaa.

Siulersuisut ataatsimiinneranni 13. maj 2024-mi akuersissutigineqarpoq